



James Ramos *Un hoben cu ta conserva nos cultura*



For di aña 1993 e hoben James Ramos a cuminza cu un cultivacion di cumindanan di tera. James Ramos ta casa cu Marianela Ramos y tin 3 yiu Sarai, Abbi y Velvet.

Den un entrevista cu e hoben aki el a bisa cu su amor pa cultiva un plantacion a bini door cu e tabata yuda cu su welo Vicente Benancio Bareño cu tabata cultiva e tereno aki. Despues el a dicidi di bay haci e plantacion su mes y su promer cosecha tabata comcomber y pinda, pero segun James nunca e no a yega na esaki si no ta pa ayudo di Santa Rosa cu a respalde "All the way" ya cu ningun banco a respalde ni tamponan nan kier a yude pa cosecha un cunucu.

Como Arubiano sigur nes ta sintie orguyoso

di por ta un cunuquero y cu tin amigonan cu ta apoye pa e tradicion di nos cultura aki y principalmente cu e ta contento cu e ta haya respaldo di e pueblo cu ta cumpra su productonan crioyo tanto na Aruba como na Hulanda.

For di aña 1993 te cu aña pasa 25 di Maart James a lanta un compania cu 2 otro persona cu yama Tierra de Canaan, caminda despues el a logra cu ayudo di Santa Rosa el a haya un tereno na Tanki Flip pa asina e por sigui cosecha ariba e tereno ey tambe.

E mensahe di James ariba dia di Himno y bandera ta: "Como agricultur ta pa corda cu tur pais tin un cultura, un idioma y su plato original di cuminda y laga nos purba mantene esey".